

յայնմ աւուր տան դիպեցաւ յիշատակի մեծին Յովաննու որ ի Գրիգորէ եւ ի Տրդատայ յաւանին Բագաւանին կարգեալ էր: 21 Ապա յայնմ յիշատակ աշխարհաբնակք մարդկան՝ որ ժողովեալն էին, եւ բազում եպիսկոպոսք՝ որ յայլոց գաւառաց. եւ ապա մեծ եպիսկոպոսապետն Ներսէս փոխանակ իւր յղեաց զիւր աթոռակիցն զԽաղ, եւ զիւր արքիդիակոնն եպիսկոպոսին՝ որում անուն Մուրիկ կոչէր, զի երթիցեն Նոբա, պետք զի՛նչ եւ իցեն ժողովոյն՝ ընդ Նորա վճարեսցեն: 22 Եւ ինքն անդէն մնաց յարքունական բանակին, զի զնոյն հաղորդութեանն եւ անդ կատարեսցեն: 23 Եւ յայնմ գիշերի ցայգապաշտան մեծ եղել ի բանակին առ կաթողիկոսին:

24 Իսկ իբրեւ առաւաւտն ծագեաց, հասաներ վաշտն Գնելոյ ի բանակն արքունի. եւ մինչ Գնէլն արքունական բանակին լիներ միջամուխ, ազդ լիներ թագաւորին եկն Նորա: 25 Ապա ելաներ հրաման յարքունուստ՝ արտաքս¹ ունել եւ տանել սպանանել: 26 Եւ մինչ դեռ գայր Նա ընդ բանակամէջն, եւ էր հեծեալ յերիվարին իւրում, իբրեւ մերձ եղել ի հրապարակն արքունի, եւ անդ ի յարքունուստ հասանէին բազում սպասաւորք վառեալք սուսերաւորք նիզակաւորք վաղրաւորք սակրաւորք սունաւորք եւ սպարակիրք հետեւակք, որք մատուցեալք բուռն հարեալք ընկենուին յերիվարէ անտի զպատանեակն Գնել, եւ ձեռն յետս կապէին զՆա, եւ առեալ զՆային ի տեղի կառափելոյն: 27 Եւ քանզի կին Նորա եկեալ էր ընդ Նմա ժանուաւ, ի Նմին ի Նորին վաշտու էր ընդ առն իւրում: 28 Իսկ իբրեւ տեսաներ թէ կալան գայր իւր եւ կապեցին, վաղվաղակի ընթացաւ յեկեղեցախորանն ժողովուրդն, ուր պաշտան մարդկան բանակին առ Աստուած կատարեր, մինչ դեռ առաւաւտին աղաւթն մատչէին. եւ անդ Ներսէս մեծ եպիսկոպոսապետն: 29 Իսկ կինն հասեալ առ արքեպիսկոպոսապետն, գոյժ արկաներ Նմա զիւրոյ առնն տարապարտ կորուստն, ճչեալ մեծաձայն. Վաղ հասիր, ասէ, դեռ զամուսինն իմ զուր առանց վնասու եւ յանցանաց խողխողէն: 30 Իսկ Նորա խափանեալ զպաշտանն, ընթանայր ի խորանն արքունի. հասեալ ի դրացն ի Ներքս առ թագաւորն անգաներ: 31 Իսկ թագաւորն իբրեւ տեսաներ զմեծ քահանայապետն, զհտացեալ զբարեխաւսութիւնն համոզելոյն վասն առնն մահուանն զի մի՛ մեռցի, յայնժամ թագաւորն զիւր սամոյրսն զգլխովն ածեալ, ի փոյթ կնջանն մտեալ, զիւր դեմս երեսացն ծածկեր. քնոյ պատճառ եղեալ՝ զի զՆորա բանսն մի՛ լուիցէ:

32 Իսկ սուրբ Ներսէս մատուցեալ բուռն հարկաներ զթագաւորէն. խաւսեր ընդ Նմա, եւ ասէր. Թագաւոր, յուշ լիցի քեզ քո Տէրն՝ որ վասն մերոյ սիրոյ խոնարհեցաւ յիւրմէ ի բնական բարձրութենէն, եւ եղել եղբայր ծառայութեան մերոյ անարժանութեանս. ոչ վասն այլ իրիք, այլ զի լիցի վարդապետ

1 Օրինակ մի չունի՝ արտաքս